

Dienelkander



Nuusbrief van die Gereformeerde Kerk Potchefstroom-Oos

WhatsApp: 067 713 2332

Facebook: www.facebook.com/oosdoppers

Intydse erediensuitsendings op YouTube by: Oos-Doppers Potch

Webblad: www.oosdoppers.co.za

Erediens videobank: <http://ow.ly/ivfZ309vsdc>

30 JULIE 2023

09:30 OGGENDEREDIENS:

Vyfde jaar teologiese student Theuns de Bruyn

Ons verwelkom vir Theuns in ons midde, asook vir prof Francois Viljoen wat hom vandag vergesel. Ons bid hom sterkte toe met hierdie beoordelingsgeleentheid om in 'n gemeente die erediens te lei.

Tema: Die Here maak Homself as bestendige, geweldige en ewige Koning in sy getuienisse bekend, vertrou daarom op Hom!

God en ons ontmoet mekaar

Intreelied: Ps 2-1: 4, 6 (2de melodie); Votum; Gebed om seën; Loflied: Ps 99-1: 1, 2, 4; Geloofsbelydenis: Belydenis van Nicea

Ons verootmoedig ons voor God

Wet uit Exodus 20 (1933/1953-vertaling); Sing: Ps 25-1: 3, 8; Gebed

God bedien aan ons sy Woord en ons ontvang dit aktief in geloof

Skriflesing: Psalm 93 (1933/1953-vertaling)
Fokusverse: Psalm 93:2 en 5
Sing: Ps 89-1: 4, 9, 10; Woordverkondiging

Ons antwoord op die Woordbediening

Gebed; Liefdegawes by die deure; Sing Ps 93-1: 1, 2, 3, 4 (Melodie- Lied 582)
Gebed om seën; Amenlied: Sb 13-3.

AANDDIENS: Ds. Piet Venter

Die reeks oor die vrug van die Heilige Gees uit Galasiërs 5: 22 sal vanaf volgende Sondag voortgesit word. Aansluitend hierby kyk ons vanaand vanuit Fil. 4 na die behoefte wat elke gelowige koester en dit is om jou nood en bekommernis by God neer te sit en ware vrede te kan beleef. Die Here leer ons vanaand hoe om hierdie pad te loop en hoe Hy deur sy Gees hierdie "vrede wat alle verstand te bowe gaan" aan ons gee.

Tema: Midde in 'n wêreld van onvrede gee God ons vrede as vrug van sy Gees

Lofsang met die oog op die erediens

Lied 577: 1, 2, 3 en Sb. 8 - 3: 1

Ontmoetingsdiens

Intreelied Ps. 62 – 2: 1, 4; Votum; Seën; Loflied Sb 4 - 6: 1; Gebed

Woorddiens

Skriflesing Filippense 4 : 4 – 9;

Teks: verse 4 – 7.

Sing Ps. 131 – 1: 1, 2, 3; Woordverkondiging;

Antwoorddiens

Gebed; Liefdegawes by die deure; Sing

Lied 588: 1, 3; Seën; Amenlied Sb 13-2.

Julie/Augustus 2023

Kom ons bid saam...



"1 Tim. 2: 1-4" Heel eerste versoek ek dat smeking, gebede, voorbidding en dankgebede vir alle mense gedoen word, vir konings en vir almal wat gesagsposisies beklee, sodat ons 'n rustige en stil lewe, in alle godvresendheid en waardigheid, kan lei.

Dit is goed en reg in die oë van God, ons Verlosser, wat wil hê dat alle mense verlos word en tot kennis van die waarheid kom.

- Ons bid saam vir die woordverkondiging van die predikante, in besonder ds Piet wat die leiding neem. Versterk hom deur die Heilige Gees vir sy werk as pastor, verkondiger van die Woord, vir sy rol as eggenoot, pa en oupa.
- Ons bid saam vir die geestelike leiers: elke ouderling, diaken en kleingroepleier - mag elke leier leef en lei soos wat Jesus gedoen het.
- Ons bid saam vir ons kinders - gee dat elke kind vreugde sal ervaar om meer van U te leer.
- Ons bid vir elke kategeet, kleuteronderwyser - laat hul voorbeeld ook vir ons kinders 'n voorbeeld wees.

- Ons bid vir ons vrouens in die gemeente: elke vergadering, aksie of dienswerk waarmee ons besig sal wees.

Ons bid saam as gemeente vir die laaste voorbereiding vir die OosDopperfees. Mag elke gedagte, daad en aksie tot eer van die Here alleen wees! Baie dankie vir elke gesindheid, skenking en gewillige hande. Aan U al die eer!

Ons bid in besonder vir die werk van Harvesters - vir 'n vrugbare toekomstige oes, veral die werk wat in Europa gedoen word in hierdie lente! Bid vir elke sendeling, evangelis en werker daarby betrokke! Rom. 1: 9 *"God, wat ek met hart en siel dien deur die evangelie van Sy Seun te verkondig, is my getuie dat ek gedurig in my gebede aan julle dink. Elke keer as ek bid, vra ek God of Hy dit nie uiteindelik vir my moontlik wil maak om julle te besoek nie."*

Bid saam vir elke broer of suster wat swaarkry agv siekte, ouderdom of eensaamheid. Help ons om hulle te help!

Ons bid dit in die naam van Jesus Christus, ons Here! Amen

Jy kan deel word van voorbidding: Katkisasieklas, Sondag-oggende 09:00, of jy kan ook saam voorbidding doen deur deel te word van die Whatsapp-groep. Kontak my gerus by **072 449 1982**

MEELEWING

- Rita Kleynhans se rugoperasie in MooiMed Hospitaal het goed afgeloop en ons is saam met hulle dankbaar. Sy sterk tuis aan.
- Willie en Alma Kruger se seun is ernstig siek en hulle versorg hom by hulle aan huis.
- Hannelie Pieters ondergaan komende week ondersoek na moontlike hartklep-probleme en ander gesondheidsprobleme.
- Andries du Plessis gaan hierdie week weer 'n spesialis besoek met die oog op moontlike alternatiewe behandeling van sy siekte en ons bid dat daar uitkoms sal wees. Die pyn wat hy ervaar is onhoudbaar en nuwe planne sal gemaak moet word.
- Huib van Hamburg ervaar probleme met balans, hy gaan Dinsdag 'n neuroloog sien.

Ons bid al hierdie lidmate troos en beterskap toe in hierdie beproewings.

ONS VRA VOORBIDDING VIR DIE VOLGENDE LIDMATE WAT SUKSEL MET SIEKTE OF SWAK GESONDHEID

Estette Bredenkamp, Annette Coetsee, Kitty Kruger, Annatjie Duvenage, Bettie Niemand, Annetjie Vermeulen, Mariana du Plessis, Rita Schutte, Hannatjie du Plessis en Andries du Plessis.

BEDIENINGE VAN HIERDIE WEEK

Vandag

- 09:00 Gebedsgroep
- 09:30 Oggenderediens
Kleuterbediening
Katkisasie Les 14
Tee en koffie
- 15:30 Lofsangsamekoms
- 17:00 Aanddiens

Maandag

18:00 Bedieningsdiensgroep

Dinsdag

VLEISWERK

Geen Groepsustersvergadering

18:00 Katkisasie gr 8 - 10

Woensdag

VLEISWERK

Geen Bybelstudie

17:00 Katkisasie gr 11

18:30 Elim-Bybelstudie

Donderdag

VLEISWERK

Vrydag

Vorbereidings vir Oosdopperfees

Saterdag

Oosdopperfees

AFKONDIGINGS

- Liefdegawes vandag: Diakonie (Groot boks) en Emeritusfonds (Klein boks) Zapper-betaalmetode beskikbaar.
- Gawes volgende Sondag by die deure vir TOPIA.
- Vrywillige bydrae vir voertuigsekuriteit kan in die bussies gegooi word.
- Diensbeurte: Groep 6 en 7.

VERJAARSDAE

Baie geluk aan almal wat DV hierdie week verjaar!

Sondag, 30 Julie

Jsr Lanelle Haasbroek

Sr Annemé McDonald

Jsr Lené van Niekerk

Dinsdag, 1 Augustus

Br JD Aucamp

Jsr Limari Joubert

Donderdag, 3 Augustus

Sr Adéle Delpont

Vrydag, 4 Augustus

Jsr Linde Oelofse

* Lidmate met spesiale verjaarsdae –
75 jaar en ouer

LOFSANG: VANDAG OM 15:30



**OOSDOPPERFEES
5 Augustus 2023**

Ons fees se datum is spesiaal geskuif vir
julle wat gevra het!
Nou het ons jou daar nodig!

**DRINGENDE HULP NODIG MET
BEMARKING**

In die lig van probleme wat ons ervaar
met die opsit van ons Oosdopperfees se
plakkate, sal lidmate dringend moet help
met bemarking via **Sosiale Media**. Ons sal
so gou moontlik meer inligting deurgee.

Hulplyste

Kom skryf jou naam nog vandag op die
hulplyste in die portaal! Ons het jou nodig
om al ons produkte te verkoop, maar ook
lekker saam met ons die dag deur te bring.

Dankbaarheidsvorm

Bydraes is steeds welkom! As jy nog nie jou
dankbaarheidsvorm geneem het of ingevul
het nie, is daar nog tyd tot more! Jy kan vir
ons aandui wat jy graag wil bydra of waar jy
wil help. Dit help ons om die beplanning te
doen vir elke stalletjie. Vul asb sommer
dadelik in en onthou om jou bydraes so gou
moontlik af te gee. Ons sperdatum hiervoor
is die 31ste Julie 2023.

Gebaktafel

Ons is opgewonde oor ons gebaktafel en wil
julle aanmoedig om vir ons alles te bring wat
lekker is om daar te verkoop. Dit hoef nie
groot items te wees nie. Een-laagkoeke,
asook kleiner koeke (gebruik kleiner
apparaat, soos bv. groot koeldrankblikke of
'n klein kastrol) om kleiner koeke te bak,
kleiner pakkies koekies, broodjies, skons,
muffins, beskuit, ens. Sal waardeer as julle
die gebak vir ons reeds verpak bring, vroeg
Saterdagoggend. Indien jy verpakking nodig
het, kom maak Vrydag, 4 Augustus 'n draai
om verpakking te kry.



BOEKE - GROOT ASSEBLIEF!

Ons gewilde Boeke-Oase-stalletjie
het lekker leesboeke nodig om te
verkoop! Dus, bring asseblief die
LEKKERLEESBOEKE wat in u
pad is of lê en stof vergaar,
kerkkantoor toe.
Kinderboeke sal veral welkom
wees!

POEDINGTAFEL BENODIG POEDINGS!

Hier is 'n maklike resep as jy nog nie besluit het wat jy gaan maak vir die poedingtafel nie - maak sommer hierdie een!

TRIFLE/KOEKSTRUIF RESEP

1 sponskoek (ek gebruik sommer gekoopte rolkoek en pak die skywe teen die kante van die trifle ook. Lyk baie mooi - pak ook vingerbeskuitjies al in die rondte om die bak.

500ml vla (selfgemaakte vla stol dalk makliker)

Fyn neut (opsioneel)

250ml room

Sjerrie/brandewyn na smaak bv. old brown sherry of selfs 'n muskadel wyn werk ook (gebruik lemoensap as jy nie alkohol wil gebruik nie)

1 blik ingelegde perskes (hier kan jy ook blikkie gemengde vrugte gebruik)

2 x pakkies rooi jellie

2 x pakkies groen jellie

2 x pakkies geel jellie

1 blik karamel kondensmelk

Ek gooi ook gekapte kersies in (opsioneel)

Gesnyde aarbeie (opsioneel) Die gooi ek partykeer so tussen in en versier bo-op



Metode:

Los jellie op in die yskas die vorige aand. Krap jellie met die vurk.

Begin jou trifle met die koek. Gooi bietjie sjerrie oor die koek. Pak dan 'n laag perskes, 'n laag jellie, 'n laag neut, 'n laag vla en skep teelepels vol kondensmelk op, en dan weer koek, jellie, neut en vla en kondensmelk. Eindig met room of versier net met neut, vla, klapper en vars aarbeie. Oornag in die yskas is 'n aanbeveling.

Spoelstra was predikant van GK Middelburg (Kaap) 1953-1957, GK Bellville 1957-1964 en GK Waterkloofrand 1964-1970. Daarna was hy 'n professor aan die Hammanskraalse Teologiese Skool 1970-1988 en die Teologiese Skool Potchefstroom 1989 tot met sy emeriting in 1994.

KENNISGEWINGBORD

- Tuinwoonstel te huur: Kontak Pieter de Villiers 082 366 0446
- Massa Mannesang, 20 Aug te Miederpark Kerkgebou

BAIE DANKIE AAN ONS BORG DIE WEEK!



Sanet Ras Prokureurs

OPSTEL VAN TESTAMENTE.

BEREDDERING VAN BOEDELS.

ALLE EIENDOMSTRANSAKSIES.

Van Riebeeckstraat 101, Potchefstroom
Tel: (018) 294-8953 k/u

Vir nog resepte of as jy kan kom help, kontak die poedingtafeltannie -
Anelle Venter 0765217696

GKSA-NUUS

Beroep aanvaar

Ds PW (Pieter) Kurpershoek van GK Middelburg (Mphumalanga) na GK Pretoria-Annlin.

Doodsberig

Prof Bouke Spoelstra, emeritusprofessor van die TSP is op 26 Julie 2023 oorlede. Prof



SUSTERS

ROM. 1:16 “EK SKAAM MY NIE OOR DIE EVANGELIE NIE, WANT DIT IS ‘N KRAG VAN GOD TOT REDDING VAN ELKEEN WAT GLO.”

SUSTERS: ELEKTRONIESE INBETALINGS

Liewe suster, om dit vir jou makliker te maak kan jy gerus die “Zapper App” aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sustersbydrae / Blikkies-warmharte / Kansa / Donasies.



Nuus vanaf die Sustersbestuur – Ons groet en verwelkom!

Hiermee groet ons vir Elsie Ferreira as blokleier. Baie dankie vir jou hardewerk en toegewydheid as blokleier van Blok D. Groot waardering vir jou insette en bydrae.

Graag verwelkom ons vir Nicolette Visser wat vir ons die leisels in Blok D oorneem by Elsie.

Ons sien uit om saam met jou te werk Nicolette dankie vir jou bereidheid om deel te wees van die Sustersbestuur.

TEESKINK-GELEENTHEID



Koffie, tee en koeldrank vandag in die Skuur na die oggenddiens.

Baie dankie aan groepsusters en hul groepe wat vandag hiermee help:

Carin Kloppers en groep 7, Marian de Kock en groep 15, Marie Oosthuizen en groep 25, asook Annarie Oelofse en groep 33.

SUSTERSBYDRAE en BLIKKIES-WARMHARTE



- Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.



- Die susters se fondse word uit elke suster se vrywillige bydrae (R150 per jaar) verkry, asook uit die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Dankie vir die susters wat op gereelde basis 'n bydrae vir hierdie werk gee.

KANSA-PROJEK



Liewe suster, soos jy reeds weet ondersteun ons gemeente jaarliks vir KANSA. Ons wil steeds hierdie jaar probeer om hulle te ondersteun. Indien jy, familie of vriende tot hierdie projek wil bydra kan jy gerus jou donasie aan die kerk oorbetal met verwysing "KANSA" sodat ons weet om die geld aan hulle oor te betaal.

KWARTAALPROGRAM

| DERDE KWARTAAL | | | | |
|-----------------------|------------|----------------|--------------|----------------------------------|
| DATUM | DAG | TYD | WIE | WAT |
| Jul-Aug | - | - | Almal | Kansaprojek |
| 1-4 Aug | Week | 13:00 en 18:00 | Naamlys | Oosdopperfees - vleiswerk - etes |
| 05-Aug | Saterdag | 09:00 | Almal | Oosdopperfees |
| 10-Sep | Sondag | 19:00 | Blok A | Ouderlingerversings |
| 17-Sep | Sondag | 12:00 | Blok B | Nagmaalete |
| 26-Sep | Dinsdag | 18:30 | Blok C | Potch-Oos Sustersafsluiting |
| 2-6 Okt | Week | 10:00 en 12:00 | Almal | Kinderfees |



Oosdoppertjie-Jeugbediening

1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hulle vlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadjie ons kinders sal laat groei in hul geloof en verhouding met ons Here.

2. Bediening vir voorskoolse jeug tydens eredienste

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lesie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoefte het om betrokke te raak by kleuterbediening is welkom om Marlise te kontak.

Kontakpersoon: Marlise Styger (marlise.venter@gmail.com of 083 655 8145)

ALGEMENE INLIGTING

LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.



KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Barend vd Westhuizen - 079 337 8148

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

BANKBESONDERHEDE

Geref. Kerk Potchefstroom-Oos

ABSA Bank

Tjekrek: 670 340 066

Takkode: 632-005

Diakonie

ABSA Bank

Tjekrek: 670 280 160

Takkode: 632-005

Susters

Capitec Bank

Spaarrek: 145 652 5695

Takkode: 470-010